

Dôjta bëc chłopã abò ò feminystkach



TÓMK FÓPKA

Feminystczy. Chto to je? Colemało białczy. Ó co jima jidze? Chłopi nie widzą. Wiksi dzél białk wierã téz nie. Wëzdrzi na to, że to są taczé, co abò chłopa ni mają, abò miałë i nie wëszło. Jedne są dobrze wësztudrowóné, jiné leno wëszkòloné. Wcyg nawijają ò równouprawnienim. Że białczy mùszą bëc jak chłopi. Że mùszą? Nié. Jima są nôlezi jak chłopoma! Tak samò zarabiac, awansowac.

Mòże są nie znóm, ale mie są zdówò, że nie jesmë z białkoma równy. Białczy są lepszé. Mòcniészé. Piãkniészé. Dłëzi żëją. Pòtrafiã wiele rzeczy robic naròz. A më? Më jesmë dzysò biédny. Czasã za białkoma barzi szlachùjemë niź òne same. Tak nas w kòdukacyjnëch szkòlach wëuczëlë. Tak jesmë wëchòwóny, téz przez białczy. Jesz përzna a bądzemë dzecë rodzëc i piersã fùtrowac. Pielëchë ju pewno pòtrafimë mieniac. Dobrze jidze z òmiwanim statków.

Co włączã reno zdrzëlnik, to widzã pòrà prowadzacëch. Ale jaczychs dzywnëch. To òna w ti pòrze je sòmca alfa, òna nosy bùksë, òna je ùzdnica. Je wëszzò, czerëje nym chłopkã. Òn

je mòli, są ùsmiëchò, frisztëk zrobi, szlorczy przëniëse... Kò to je jakòs Rzeczpòspòlitò Babskò prosto! A jesz jaczegò projektanta módë scygnã abò jinégò artistã... Òni są pewno za wiele „Seksmisje” naòbzërelë. Dlò nich Günter Grass gwësno je białkã... Nie są to czasã pierszé òfiarë négò zapòwiòdónégò przez pòlscki rząd chemicznégò kastrowaniò...? A mòże w nëch ùnijno numrowónëch jajach abò w tónym winie z bierdonczy są jaczé hòrmónë z Wenus?

Nòlepi tej zòdnégò wina nie pic. A jaja? Në, òne bądã wiedno...

Pòzwòlta nama bëc chłopoma! Nié chłopùlkoma, chłopkoma, chłopikoma... Chłopoma! Chcemë bëc cwiardi! Chcemë bëc mòcny! Ryzikòwac i zarabiac piënzde! Chcemë Was zdobëwac. Was, swiat, nowé zemie, planëtë. Chcemë sã Wama zajimac, Was dozerac, przepùszczac w dwiërzach i na trapë w górã. Miec Swiãtë Słowò Tatka przë dzòtk wëchòwiwanim. Czasã taszã pòniesc, w całoscë z piwã. Dac tej-sej jaczé dwa tësãce na drobne wëdatczy... Pò pëskù dac, czëj zle ò mòji białce gòdają.

Dlò Was, Białeczk òstawimë wszëtkò, co mitczé, snòzé, bezpieczné i dómë Wama te dëtëczy wëdawac. Zgòda? Dali chceta równouprawnieniò?

Chceta kòniecno nasze przepicé, gòlenié gãbë, noszenié kalesonów i pilotë òd TV, DVD i satelitë? I te kwitë za lëché pòstawienié autòla, pit-ë i zarosłë szpëtë?

Më nie chcemë Waszich kròlewëch dniów, krzëwëch nie-wiedzec-czemù

mùniów, sedzeniò pól dnia kòl frizjërë i gòdaniò – dlò samégò gòdaniò.

Mie są mòckò wëdówò, że ne feminystczy, tak jak ny „zelony” i „cepli”, są przez jakã Amèrikã Batorim naswóné, co jima grëbé grantë daje za to pëskòwanié a miészanié lëdzóm w głowach. Żebë òdwrócëc ùwògã òd czegòs wòzniészégò – robiã manifë i paradë. Pchają sã do telewizje i jinëch mediów. Krzëczą, że jima zle. A mòże jima je za dobrze? A mòże jò jem z Marsa, a nié z Chwaszczëna?

SŁOWÓRZK:

Colemało – zazwyczej; **dzél** – czëść; **wëzdrzi**, **szlachùje** – wyglãda; **abò** – albo; **chłop** – męzczyzna, mąż; **wësztudrowóné** – wykształcone; **leno** – tylko; **wcyg** – wciãż; **białczy** – kobiety, żony; **përzna** – trochë; **fùtrowac** – karmic; **òmiwanié statków** – mycie naczyń; **zdrzëlnik** – telewizor; **ùzdnica** – kobieta dominująca w stadle, związku; **bùksë** – spodnie; **frisztëk** – (z niem.) śniadanie; **szlorczy** – pantofle; **bierdonczy** – sklepy z tanim towarem; **kò** – wszak; **gwësno** – pewnie; **wiedno** – zawsze; **dozerac** – opiekowãc się; **trapë** – schody; **dzòtëczy** – dzieci; **tasza** – torba; **mitczé** – miëkkie; **snòzé** – piëkne; **dëtëczy** – środek płatniczy, raczej monety; **szpëtë** – kończyny dolne pòsłedniej urody; **kròlewé dne** – (neolog.) czas menstruacji; **mùnia** – buzia.